

Baung ekor merahancam ikan sungai Ulu Pahang

UM 9/9/2022 MS: 10



SEBAHAGIAN daripada 50 ekor ikan baung ekor merah yang ditangkap peserta pertandingan Moh Buru Baung Ekor Merah di Jerantut Feri, Jerantut, Pahang. - UTUSAN/HARIS FADILAH AHMAD

Bercakap kepada *Utusan Malaysia*, Ahli Parlimen Jerantut, Datuk Ahmad Nazlan Idris berkata,

spesies ikan pemangsa itu berkemungkinan dibawa masuk secara haram untuk ternakan secara ke-

cil-kecilan.

Bagaimanapun, ketika mencapai saiz besar, baung ekor merah terlepas ke perairan sungai utama berikutan kejadian banjir yang menenggelamkan kolam ternakan di pesisir sungai.

Katanya, menerusi laporan Jabatan Perikanan, baung ekor merah dalam kumpulan keluarga ikan keli yang terbesar di Asia mampu membesar sehingga 130 sentimeter dengan berat maksimum 80 kilogram.

“Bagi mengelakkan spesies ini mengancam ikan liar tempatan bermutu tinggi di pasaran tempatan, kerajaan menerusi Jabatan Perikanan sewajarnya menghapuskan baung ekor merah yang dianggarkan membiak lebih 100,000 ekor sejak lima

tahun lalu khususnya kawasan Sungai Tembeling dan Sungai Pahang serta anak sungai di daerah ini.

“Kita menganjurkan program Moh Buru Baung Ekor Merah dengan kerjasama Jabatan Perikanan untuk memberikan kesedaran kepada masyarakat tentang ancaman ikan ganas itu di samping menjaga kepentingan hidupan air, iaitu ikan liar tempatan yang bermutu tinggi menjadi sumber pendapatan nelayan sungai,” katanya di sini semalam.

Ahmad Nazlan berkata, sehingga kini, seramai 1,106 nelayan darat yang berdaftar dengan Jabatan Perikanan Pahang, manakala seramai 610 orang dari jumlah tersebut aktif menangkap ikan sungai di Jerantut.

JERANTUT: Dianggarkan lebih 100,000 ekor ikan baung ekor merah membiak sejak lima tahun lalu dan menjadi ‘ikan pemusnah’ di tiga sungai utama di Ulu Pahang iaitu Sungai Tembeling, Sungai Pahang di Jerantut dan Sungai Jelai di Lipis.

Kehadiran spesies berasal dari Sungai Mekong, Vietnam itu mendominasi habitat di sungai tersebut yang menjadi ‘pemusnah’ terhadap ikan liar tempatan seperti patin, kelah, kenerak, jelawat, temoleh dan kerai.

Situasi itu mengundang kebimbangan nelayan sungai kehadiran ikan baung ekor merah yang lama-kelamaan menjejaskan pendapatan mereka berikutan ikan liar tempatan pupus menjadi mangsanya.